

Aktiviti-aktiviti Gereja Sitiawan Wesley.

4.1 Aktiviti-aktiviti mingguan yang dijalankan oleh gereja

Banyak aktiviti-aktiviti yang telah dirancang dan dijalankan. Walau bagaimanapun, aktiviti-aktiviti ini dijalankan sama ada mengikut pembahagian umur ataupun kadang-kala mengikut jantina. Aktiviti-aktiviti yang akan dibincangkan adalah aktiviti-aktiviti mingguan iaitu yang dijalankan sekali dalam seminggu.

4.1.1 Morning Watch

Ia adalah satu perjumpaan untuk berdoa yang dijalankan pada pukul 7.00 pagi setiap hari Ahad sebelum perjumpaan kebaktian hari Ahad. Biasanya mereka yang bangun awal sahaja yang akan menyertai Morning Watch ini.

4.1.2 Kebaktian Hari Ahad

Ia adalah perjumpaan hari mingguan untuk penganut Kristian. Perjumpaan ini adalah pada pukul 8.00 pagi dan berterusan sehingga 1 1/2 jam. Dalam masa ini nyanyian memuji Tuhan akan dijalankan. Kemudian, diikuti oleh satu khutbah. Pada hari Ahad inilah semua penganut Kristian pergi ke gereja untuk menjalankan kebaktian.

4.1.3 Sunday School

Perjumpaan ini adalah terhadap kepada mereka yang berumur kurang daripada 13 tahun. Tujuan ia dijalankan adalah untuk memberi ajaran-ajaran Al-kitab dalam bentuk yang senang seperti dalam cerita-cerita dan aktiviti lain. Mereka yang menghadirinya akan dibahagikan mengikut peringkat umur untuk memudahkan pengajaran asas Alkitab. Ia adalah dijalankan pada setiap hari Ahad pada pukul 10.00 pagi.

4.1.4 Baptism dan Membership Class

Kelas ini akan dijalankan pada pukul 10.15 pagi setiap hari Ahad. Kelas ini adalah untuk menyediakan anggota gereja ini untuk menjadi ahli serta juga untuk baptism mengikut peraturan Persatuan Gereja-gereja Methodist Malaysia. Ia adalah untuk memberi pengetahuan tentang apa yang dipercayai, asal-usul Methodism serta juga untuk memastikan yang mereka ini benar-benar faham tentang kepercayaan Kristian yang asas. Selain daripada itu, ia adalah juga bertujuan menjawab sebarang persoalan yang mungkin timbul di kalangan anggota kelas ini yang sedang disediakan untuk menjadi ahli serta juga untuk dibaptis.

4.1.5 Women's Prayer Fellowship (Perjumpaan Doa Wanita)

Ia hanya terbuka kepada golongan perempuan sahaja.

Pada masa perjumpaan ini, mereka akan berdoa untuk gereja serta anggotanya yang mempunyai sebarang permintaan untuk didoakan dan sebarang masalah di kalangan perempuan ini akan diperbincangkan serta diselesaikan jika boleh, melalui perjumpaan ini. Biasanya mereka akan dibahagikan kepada kumpulan-kumpulan kecil yang, pada kebiasaannya 5-10 orang ahli. Ia akan diadakan pada salah sebuah rumah ahli kumpulan tersebut dan masa serta hari perjumpaan persaudaraan ini akan ditentukan oleh anggota-anggota kumpulan ini sendiri. Mereka akan datang berhimpun untuk persaudaraan dan kemudian untuk satu masa berdoa. Ia dijalankan setiap minggu.

4.1.6 Prayer Meeting (Perjumpaan Berdoa)

Perjumpaan doa ini diadakan pada hari Rabu setiap minggu. Ia adalah terbuka kepada semua yang ingin hadir. Ia juga adalah satu masa yang ditetapkan untuk berkumpul untuk persaudaraan dan juga satu masa datang bersama untuk berdoa mengenai permintaan atau masalah-masalah yang timbul samada di gereja atau dikalangan anggota-anggota gereja.

4.1.7 Care Group Meeting (Perhimpunan Kumpulan Sel)

Perhimpunan kumpulan sel bertujuan mempelajari serta mengkaji Alkitab untuk menambahkan pengetahuan tentang kepercayaan Kristian. Selepas masa mengkaji Alkitab, ahli-ahlinya akan menghabiskan masa untuk

persaudaraan serta sedikit jamuan. Anggota-anggota gereja adalah digalakkan untuk melibatkan diri dalam kegiatan perjumpaan sel ini.

Anggota-anggota yang terlibat akan dibahagikan kepada beberapa kumpulan yang kecil untuk bertemu. Pada masa ini terdapat 8 kumpulan yang mana setiap kumpulan mempunyai 15-20 ahli. Perjumpaan biasanya adalah pada hari Jumaat, jam 8 malam dan akan dijalankan di rumah salah seorang daripada ahli kumpulan.

4.1.8 Persaudaraan Belia Methodist (Methodist Youth Fellowship. " M.Y.F")

Ia adalah satu perjumpaan untuk mereka yang sudah berumur 16 ke atas hingga 25 tahun. Perjumpaan adalah pada jam 3.45 petang pada setiap hari Jumaat. Ia adalah satu perjumpaan untuk memberi pengajian Alkitab setaraf dengan umur belia serta mendalami pengetahuan Alkitab mereka. Ia juga bertujuan untuk menyebarkan agama Kristian kepada para remaja.

Persaudaraan Belia Methodist ini juga mempunyai perjumpaan selnya sendiri. Perjumpaan adalah pada jam 4 petang hari Sabtu. Ia adalah satu masa perjumpaan persaudaraan mengkaji Al-kitab yang dibahagikan ke dalam kumpulan-kumpulan kecil untuk memudahkan lagi perbincangan-perbincangan dijalankan. Biasanya ia mengambil masa lebih kurang 1 hingga 1 1/2 jam. Kemudian akan disusuli oleh

satu masa persaudaraan menjalankan aktiviti senaman.

4.1.9 Intermediate Methodist Youth Fellowship (I.M.Y.F)

Anggota-anggota perjumpaan IMYF ini biasanya berada dalam lingkungan 11 tahun hingga 15 tahun iaitu umur maksima sebab selepas tamat Tingkatan 3 mereka akan menganggotai perjumpaan M.Y.F. Ia adalah satu perjumpaan untuk memberi pengajaran Al-kitab yang asas serta lebih mendalam mengikut mentaliti umur mereka. Ia juga adalah bertujuan untuk menyebarkan kepercayaan Kristian ini dikalangan remaja muda.

Perjumpaan adalah diadakan pada hari Sabtu, jam 3.00 petang. Semasa perjumpaan I.M.Y.F ini, satu masa nyanyian untuk memuji Tuhan akan dijalankan dan diikuti oleh satu masa memberi khutbah. Sejurus selepas perjumpaan ini akan terus disusuli oleh satu masa persaudaraan yang biasanya dalam bentuk senaman untuk mengeratkan lagi perhubungan anggota-anggota I.M.Y.F ini.

4.2 Aktiviti-aktiviti bulanan.

Satu perjumpaan dalam Bahasa Malaysia akan diadakan. Perjumpaan ini baru sahaja dilaksanakan pada bulan Jun tahun ini. Ia diadakan sekali dalam sebulan iaitu pada minggu terakhir setiap bulan. Perjumpaan ini akan dikendalikan dalam Bahasa Malaysia. Ini adalah untuk

menyebarkan agama Kristian ini kepada mereka yang tidak biasa dengan Bahasa Inggeris tetapi biasa dengan penggunaan Bahasa Malaysia. Jika didapati yang perjumpaan dalam Bahasa Malaysia ini mendapat sambutan yang baik, maka akan dipertambahkan lagi bilangan perjumpaan. Ia diadakan di bangunan gereja Sitiawan Wesley Di Simpang Empat iaitu tempat perjumpaan lama aliran Bahasa Inggeris tadi.

4.3 Aktiviti-aktiviti tahunan

Perkhemahan tahunan akan dijalankan diluar Sitiawan dan pada kebiasaannya seorang pengkhotbah jemputan akan dijemput. Ia juga adalah satu masa untuk berseronok dan berkumpul untuk satu masa persaudaraan sebagai satu keluarga yang besar disamping belajar.

4.3.1 Perkhemahan Tahunan Gereja

Ia adalah terbuka kepada semua ahli anggota gereja Wesley ini. Ia juga terbuka pada jemputan luar oleh para anggota gereja. Biasanya perkhemahan tahunan ini adalah untuk selama 4 hari dan 3 malam. Ia biasanya disertai oleh seramai 25-40 anggota kerana masalah cuti dan sebagainya .

4.3.2 Perkhemahan Tahunan M.Y.F

Ia diadakan pada akhir hujung tahun iaitu selepas peperiksaan S.P.M dan S.T.P.M. Ia adalah kerana kebanyakan anggota akan menduduki peperiksaan tersebut serta juga masa

ini adalah cuti sekolah. Ia adalah terbuka kepada semua ahli M.Y.F dan bilangan ahli yang menganggotai biasanya adalah 100 atau lebih. Kadangkala ia akan dibuka pada para jemputan ahli dan keputusan ini adalah terpulang pada ahli jawatan-kuasa perkhemahan tahunan tersebut. Ia akan dijalankan di luar Sitiawan dan akan dijalankan selama 6 hari dan 5 malam. Tujuannya adalah untuk mengeratkan lagi persaudaraan para anggotanya disamping mempelajari lebih mengenai agama Kristian.

4.3.3 Perkhemahan Tahunan I.M.Y.F

Ia akan dijalankan disekitar kawasan Sitiawan ini sahaja kerana umur pesertanya masih muda lagi. Ia akan dijalankan selepas peperiksaan akhir tahunan sekolah serta selepas peperiksaan S.R.P. Ia akan dijalankan selama 4 hari dan 3 malam dan seorang pengkhutbah akan dijemput untuk memberi khutbah. Ia juga bertujuan untuk mengeratkan lagi persaudaraan pada anggotanya disamping mempelajari tentang pengetahuan agama Kristian ini.

4.4 Perayaan-perayaan yang disambut

Gereja Wesley Sitiawan ini hanya memberi perhatian kepada 2 perayaan yang mempunyai makna yang besar dikalangan penganut agama Kristian mahzab Methodist diantara perayaan-perayaan yang terdapat. Ia adalah disambut oleh

semua penganut Kristian diseluruh dunia pada hari yang sama ini.

4.4.1 Easter Day

Para penganut Kristian akan merayakan hari Easter untuk memperingati hari kebangkitan Yesus Kristus pada hari ketiga selepas disalibkan mengikut ajaran Alkitab. Para Kristian mempercayai pada hari ini Yesus bangkit semula 3 hari selepas disalibkan. Biasanya ia akan disambut pada hari Ahad minggu terakhir bulan Mac atau Ahad pertama bulan April.

4.4.2 Hari Krismas

Pada 25hb Disember setiap tahun semua penganut Kristian di seluruh dunia akan menyambut hari kelahiran Yesus Kristus yang dipercayai sebagai penyelamat semua umat dalam dunia ini mengikut kepercayaan ajaran Kristian yang berdasarkan pada Alkitab. Akan tetapi pada hari ini ia telah dikomersialkan untuk melariskan perniagaan pada musim perayaan Hari Krismas ini. Walau bagaimanapun ia tetap mempunyai makna yang besar dalam kepercayaan semua penganut Kristian pada hari ini.

Biasanya pada malam 22hb, 23hb, dan 24hb Disember satu kumpulan "carolling" akan diadakan oleh anggota M.Y.F. untuk menyebarkan berita baik ini kepada orang ramai. Ia adalah satu kumpulan nyanyian yang akan pergi menyanyi ke

rumah anggota gereja yang akan menyambut hari Krismas ini serta juga menjemput kawan-kawan mereka untuk mendengar khabar kelahiran Yesus Kristus 2000 tahun dahulu.

Satu perjumpaan kebaktian akan diadakan pada hari 25hb. Disember ini. Biasanya selepas perjumpaan, sarapan enak akan disediakan dan masa untuk persaudaraan akan dijalankan untuk menyambut hari kelahiran Yesus Kristus ke dunia ini lebih kurang 2000 tahun dahulu.

4.5 Peranan Gereja

Peranan utama gereja adalah untuk memberi pengajaran kepada anggotanya tentang ajaran Alkitab. Ia juga bertanggungjawab untuk "spiritual development" anggota-anggota gereja. Pada amnya ia mempunyai empat objektif :-

- 1) Untuk memperolehi satu pertalian yang erat dengan Yesus Kristus sebagai Tuhan dan Penyelamat.
- 2) Untuk menanam di dalam jiwa anggota gereja mengenai cara hidup sebagai seorang Kristian.
- 3) Membawa pengajaran tentang Alkitab.
- 4) Sebagai pusat melatih para penganut Kristian tentang ajaran Yesus Kristus dan menghantar mereka untuk menyebarkan agama Kristian.

Gereja juga bertindak sebagai satu pusat di mana paderi akan cuba memberi pengajaran serta sebagai pusat latihan untuk menyebarkan kepercayaan Kristian kepada orang ramai. Ia juga sebagai satu pusat kaunseling dimana paderi serta "elders" yang lain akan cuba menyelesaikan masalah-masalah anggota-anggotanya dalam apa-apa aspek kehidupan seharian. Kaunseling perkahwinan juga akan diberi oleh paderi pada para anggota gereja yang akan berkhawin untuk memulakan satu keluarga mengikut ajaran Alkitab.

Gereja juga akan cuba menyelesaikan masalah kebajikan anggotanya. Aktiviti gereja juga akan melihatkan sedikit kerja kebajikan seperti melawat ke Rumah Orang-orang Cacat, lawatan ke rumah orang-orang tua dan aktiviti-aktiviti lain dalam usaha menunjukkan kehidupan sebagai seorang penganut Kristian dalam usaha menyebarkan ajaran Yesus Kristus.

Pada keseluruhannya peranan gereja adalah untuk memastikan ajaran Alkitab disampaikan pada semua anggota dalam usaha memberi pengetahuan serta menjalin satu perhubungan yang erat antara anggotanya dengan Yesus Kristus dengan memahami tentang ajaran Alkitab dan menjalankan kehidupan sebagai seorang Kristian.